

Broj: 06-03-972-01/161/16
Mostar, 24.10.2016. godine

Na osnovu člana 21., člana 37., člana 84., člana 87. stav (1) i stav (2) i člana 93. stav (1) i stav (4) Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13 i 94/15), člana 2. Zakona o korištenju obnovljivih izvora energije i efikasne kogeneracije („Službene novine Federacije BiH“ 70/13 i 5/14), člana 20. stavak (1) i člana 23. stava (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 42. stav (1) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14 i 31/16), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), člana 20. i člana 49. stav (2) Pravilnika za izdavanje dozvola („Službene novine Federacije BiH“ broj 43/14), postupajući po Zahtjevu za izmjenu dozvole za snabdijevanje električnom energijom - dozvole II reda broj 06-03-972/161/16 od 07.10.2016. godine podnosioca zahtjeva PROENERGY d.o.o. Sarajevo, Tešanjaska 24a, Sarajevo, Regulatorna komisija za energiju u Federaciji Bosne i Hercegovine – FERK je 24.10.2016. godine na XX redovnoj sjednici donijela sljedeće

RJEŠENJE

1. Dozvola za snabdijevanje električnom energijom - dozvola II reda broj 06-03-631/25/14 od 24.10.2014. godine izdata Rješenjem broj 06-03-631-08/25/14 od 24.10.2014. godine imaocu dozvole PROENERGY d.o.o. Mostar mijenja se i dopunjuje, te glasi kao u prilogu koji je sastavni dio ovog rješenja.
2. Dozvola za snabdijevanje električnom energijom - dozvola II reda iz tačke 1. ovog rješenja važi do 24.02.2020. godine, sa uslovima dozvole koji čine njen sastavni dio.
3. Imalac dozvole je obavezan plaćati regulatornu naknadu u periodu važenja dozvole na način i u iznosu koji utvrdi FERK posebnom odlukom.
4. Ovo rješenje je konačno, te se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH“.

Obrazloženje

FERK je 07.10.2016. godine pod brojem 06-03-972/161/16 primio od PROENERGY d.o.o. Sarajevo Zahtjev za izmjenu Dozvole za snabdijevanje električnom energijom - dozvole II reda broj 06-03-631/25/14 od 24.10.2014. godine imaoca dozvole PROENERGY d.o.o. Mostar izdate Rješenjem broj 06-03-631-08/25/14 od 24.10.2014. godine, zbog promjene sjedišta društva.

Prilikom pregleda potpunosti podnesenog zahtjeva za izmjenu dozvole za snabdijevanje električnom energijom - dozvole II reda u postupku izmjene Dozvole za snabdijevanje električnom energijom - dozvole II reda broj 06-03-631/25/14 od 24.10.2014. godine, u skladu sa članom 9. Pravilnika o javnim raspravama i rješavanju zahtjeva, sporova i žalbi, FERK je utvrdio da je podneseni zahtjev potpun u smislu člana 12. Pravilnika za izdavanje dozvola.

S obzirom na to da su uz zahtjev za izmjenu dozvole navedene činjenice i podneseni dokazi na osnovu kojih se može utvrditi stanje stvari, a na osnovu kojih je jasno da podnosilac

Regulatorna komisija za energiju u Federaciji Bosne i Hercegovine – FERK

Blajburških žrtava 33, 88000 Mostar

Tel. /036/ 44 99 00, /036/ 44 99 01; Fax: /036/ 333-507, /036/ 333-508

kontakt@ferk.ba www.ferk.ba

1

zahtjeva ispunjava kriterije iz člana 87. stav (1) Zakona o električnoj energiji u Federaciji Bosne i Hercegovine, odnosno iz člana 27. i člana 31. Pravilnika za izdavanje dozvola, FERK je utvrdio da su ispunjeni uslovi za primjenu odredbe člana 49. stav (2) Pravilnika za izdavanje dozvola.

Na osnovu obrade Zahtjeva za izmjenu dozvole za snabdijevanje električnom energijom - dozvole II reda podnosioca PROENERGY d.o.o. Sarajevo i dokumentacije priložene uz zahtjev, izvršena je izmjena i dopuna Dozvole za snabdijevanje električnom energijom - dozvole II reda broj 06-03-631/25/14 od 24.10.2014. godine zbog promjene sjedišta društva i naziva firme. Osim navedenog, FERK je uočio i potrebu izmjene i dopune navedene dozvole za rad na osnovu člana 93. stav (2) Zakona o električnoj energiji u Federaciji Bosne i Hercegovine, a sve u javnom interesu. FERK je ocijenio da je opravdano izvršiti određena usklađivanja dozvole sa odredbama Pravilnika o snabdijevanju kvalifikovanih kupaca električnom energijom i postupku promjene snabdjevača („Službene novine Federacije BiH“ broj 89/14) i Opštim uslovima za isporuku električne energije („Službene novine Federacije BiH“ broj 89/14). Zbog potrebe izmjene i dopune uslova dozvole za rad, radi preglednosti i lakšeg razumijevanja izmijenjenih i dopunjenih uslova dozvole, te radi ekonomičnosti i efikasnosti postupka izrade, donošenja i objave dozvole za rad, a sve imajući u vidu zahtjev podnosioca i javni interes, pristupilo se izradi i usvajanju izmijenjene i dopunjene Dozvole za snabdijevanje električnom energijom – dozvole II reda imaoca PROENERGY d.o.o. Sarajevo, koja je sastavni dio ovog rješenja. Uvažavajući sve naprijed navedene razloge, predmetna dozvola za rad je izmijenjena i dopunjena u skladu sa zahtjevom podnosioca, te je usklađena sa odredbama Pravilnika o snabdijevanju kvalifikovanih kupaca električnom energijom i postupku promjene snabdjevača i Opštim uslovima za isporuku električne energije, s tim da je period važenja dozvole ostao nepromijenjen. Postavljeni uslovi, u skladu sa članom 32. i članom 36. Pravilnika za izdavanje dozvola, stvaraju obavezu PROENERGY d.o.o. Sarajevo da u rokovima propisanim u tim uslovima dozvole za snabdijevanje električnom energijom - dozvole II reda iste ispuni, u cilju zadovoljenja propisanih kriterija.

Na osnovu navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

v.d. PREDsjednice FERK-a
Vladenka Milović